

# कुमाऊँ के सचाट

(पहला भाग)

लेखक :

स्व० चिन्तामणी पालीदाल

प्रकाशक व मुद्रक :

पुरुषोत्तम दत्त पालीवाल

प्रकाशन विभाग :

कुमाऊनी साहित्य सदन

चौरासी घण्टा बाजार सीताराम दिल्ली-६

द्वितीय संस्करण २०००] मई १९८६ मूल

कुमाऊनी साहित्य मुद्रक बाजार सीताराम दिल्ली-६

R. 10.00

# कुमाऊँ के सम्बाट

( पहला भाग )

लेखक:—

पं० चिन्तामणि पालीवाल

प्रकाशक:—

पुरुषोत्तम दत्त पालीवाल

प्रकाशन विभाग:—

कुमाऊँनी साहित्य सदन

चौरासी घण्टा बाजार सीताराम देहली-६

सर्वाधिकार सुरक्षित

द्वितीय संस्करण ४००० ]

अगस्त १९७३



## भूमिका

'कुमाऊँ' के सम्राट्' नाम की पुस्तक कुमाऊँनी कविता में जनता के हाथों में दी जा रही है। कवि की अनेक रचनाएँ प्रकाशित हो चुकी हैं जिनमें सामाजिक, सांस्कृतिक तथा धार्मिक प्रसंगों को वाणी का रूप दिया गया है। परन्तु कुमाऊँ के सम्राट्' नामक इस पुस्तक में चिन्तामणि जी नए रूप में आते हैं। कवि ने स्वीकार किया है कि प्रस्तुत पुस्तक की सामग्री श्री बद्री दत्त पाण्डे, भू० पू० संसद सदस्य के 'कुमाऊँ' के इतिहास पर आधारित है। साथ ही सुखसागर तथा महाकवि कालिदास के 'रघुवंश' से भी तथा रामायण, श्री मद्भागवत का अनुवाद सुखसागर का सार ग्रहण किया गया है। कुछ जगरिये तथा जतरिए लोग भी प्रेरणा के पात्र रहे हैं। इन सभी की सहायता से कवि ने इस कहानी को कविता का रूप दिया है। कवि का यह प्रयास कितना सफल रहा है यह तो पाठक ही बता पायेंगे किन्तु इतना कहा जा सकता है कि सूर्यवंश, व रघुवंश, कत्यूरी राजाओं व चन्द राजाओं तथा राजा मालसाई की कहानी को बहुत ही अच्छे ढंग में प्रस्तुत किया गया है। पुस्तक के चारों भाग अपने आप में महत्व पूर्ण हैं तथा इनमें कुमाऊँ के ऐतिहासिक जीवन की झाँकी मिलती है।

कत्यूरी राजाओं की कहानी को भी सरस रूप दिया है। मालसाई तथा राजुला सौक्याण की प्रेम गाथा को तो सभी ने बड़े ही आकर्षक, सरस तथा मार्मिक शब्दों में लिखा है। यह भाग साहित्य की किसी भी कसौटी पर खरा उत्तर सकता है। इस प्रकार की रचनाओं से कुमाऊँनी भाषा की उन्नति तथा उसके ग्रन्थों की शोध में मेरी विशेष रुचि है। मुझे पूर्ण विश्वास है कि मालसाई की कहानी प्रत्येक सरस सुहृदय व्यक्ति को आनन्द के सागर के हिलोरों की मिठास दे सकेगा। इसके लिए सचमुच कवि धन्यवाद का पात्र है। आशा है इस कवि को समुचित सम्मान प्राप्त हो सकेगा। मैं भी चिन्तामणि जी को कुमाऊँ के इस ऐतिहासिक पक्ष को कुमाऊँनी काव्य का जामा पहनाकर उभारने के उपलक्ष में हार्दिक बधाई देता हूँ।

डा० नारायण दत्त पालीवाल  
हिन्दी सहायक निदेशक कुमाऊँनी साहित्याचार्य  
दिल्ली प्रशासन

## ॥ जनता का परामर्श ॥

चिंतामणि जै जै राम क्य छैं हाल चाल ।  
कुमाऊँनी क्या रचना करै आजकल ॥

भलि छैं कुशल वात भलि छैं कि तना ।  
आज कल तुम कभै सभा में नि आना ॥

शैलानी किताब तुम क्य भलि बनैछा ।  
साहित्य मन्डल बै जो तुललै छपैछा ॥

मेला सोमनाथ लकि सुन्दर लैखछा ।  
सोमनाथ मेत्रा तुम कभणि देखछा ॥

बलिदान छन्डन लै अमीन जमीन ।  
शरनार्थी पुरुषार्थ कविता प्रवीन ॥

श्रीराम विनोद लै डहौओ का हाल ।  
धन्यवाद पत्रिका में जवाब सवाल ॥

दिल्ली की भलक तुम क्य भलि बनैछा ।  
कुमाऊँनी जनता लै खूब अपनैछा ॥

उमजि उतार तुम समाज क चित्र ।  
सब रस भाव उमैं बोहोते विचित्र ॥

सब कुछ लिखी है छा जमाना का हाल ।  
अब कुछ और लिखीं परचीन काल ॥

दैलि बै हमरा एनि कस कभ छीय ।  
राजा महराजा लोग को करने रौद्धीय ॥

पैलि राज कैल क्य वाद में कोहय ।  
 सब कुछ लिखी दीयो को की रहय ॥  
 हमरा एतिक कुछ निछ इतिहाम ।  
 दनाकथा मिलि जानी फैक कैका पास ॥  
 हमराया कल्युर जो देवता नाचनी ।  
 डनू हांति पैलि बटि रजा छीया कनी ॥  
 जोर जोर धात लगै कनी जगरीया ।  
 सांची झुटि क्य खवर छीये कि निल्लीया ॥  
 तुमु कणि य बातक हनल क्ये ज्ञान ।  
 एपार लिखीया आव धरि बटि ध्यान ॥  
 और एक गहानी जो मालसाई गीत ।  
 मालसाई राजुला की बतानी पिरीत ॥  
 यस कनी एक छीय राजा मालसाई ।  
 विकी राणि काम सेणु सुन्दर मुहाई ॥  
 हरि इच्छा राजा राणि है गोय विक्रोह ।  
 मालसाई मज मजि हैं गोय मोह ।  
 राणि क वियोग मजि रजाछा बेवैन ।  
 दिन उकै भुक निछा दिन निछा रैन ॥  
 तब कनी स्वैण मजि मिलिगे राजुला ।  
 तब जै उ राणि कणि भुल विलकुला ॥  
 यस कनी राजुला ऐ मालसाई पास ।  
 मालसाई भोटगय खोज कैं तालास ॥

यस कनी जगरीया इनरी कहानी ।  
 हुड़क व्यकुल बजै गीद यों गहानी ॥  
 यक लकि सब तुम लिखो इतिहास ।  
 सबु कणि सुणे दियो य खबर खास ॥

### चिन्तामणि

श्रीमानो नमस्कार भलि छै कुशल ।  
 एलै वेर पहाड़म भलि छै फसल ॥  
 वरखा कतुक हैरे कनी हैरे गाड़ ।  
 आज्ञकल बड़ भल मान्धोंछ पहाड़ ॥  
 शैलानी किनाव लेखि मेला सोमनाथ ।  
 कुमाऊँ का समराट सुणे साथै साथ ॥  
 एक छा यां कुमाऊँनी साहित्य मन्डल ।  
 शैलानी छापीछ वीलैं करि वै अकला ॥  
 धन्यवाद पत्रिका लै दिल्ली की भज्जक ।  
 जतुक किताव म्यरा बनि अब तक ॥  
 सबु हैवे ढुलि छा य कुपाऊ सम्राट ।  
 उमजि छै कत्यूरौका का सब ठाठ बाट ॥  
 सूर्यवंशी बंशावली कत्यूरौका का ठाट ।  
 कातिकेयपुर बटि रंगीली घैराट ॥  
 पैलि वै यों सूर्यवंशी रवुवंशी हया ।  
 कुमाऊँ में ऐ बाट यो कत्यूर है गया ॥

सूर्य का सुपुत्र हया मनु महाराजा ।  
 उनरा पै सूर्यवंशी हया भौत राजा ।  
 धुर्व प्रहलाद और सगर दिलीप ।  
 भगीरत सगीरत तब तेज सीप ।  
 राजा अज दसरथ श्री राजाराम ।  
 बड़ा बड़ा महराज बल बुद्धीधाम  
 उई बंश मजि फिर शार्लीवाहन हया ।  
 कलजुग आदि मजि कुमाऊँ में गया ।  
 जोशि मठ राजधानी पैली कै बनौई ।  
 कातिंकेय पुर फिर राजधानी हई ।  
 बलवान बुद्धिवान हया गुण धाम ।  
 पढ़ि लिया सुणि लिया लेखिया है नाम ।  
 जति जैले जस कय जति जति रया ।  
 जसा २ रजा हया जति जति गया ।  
 जसा जसा राजा हया अन्याई सन्याई ।  
 इमजि छा यथा योग्य सब दरसाई ।  
 फिर सुणै मालसाई गोद जो गहानी ।  
 इमजि देखिया सब इन्ही कहानी ।  
 राजा मालसाई और राजुला सौक्याण ।  
 स्वेण, में लगाछ पैली उन्ही पछाण ।  
 राजुला ऐ बांगेर रंगीला गीवाड़ ।  
 दुनागिरी डनाहणि चीटेली की गाड़ ।

विराट नगरी मजि ऐँगे राजुला ।  
 मालसाई देखि बटि करि गई भूला ॥  
 नहैगे वापिस वाचै निकै मुलाकात ।  
 दरशन करि गेछा निकया के बात ॥  
 तब फिर मालसाई भोटान हैं गया ।  
 राई दल पद्यदल फौज लीचै गया ॥  
 बनि गया मालसाई जोगी जटा धारि ।  
 घर घर भीक माँगी बनि वै भिकारी ॥  
 भोटियो दगड़ा उति करि छै लड़ाई ।  
 राजुला कै जिति व्यवै वै लि आई ॥  
 पड़िया आधील सब मालूम है जाल ।  
 रसीक पाठक कों कणि खूब रस आल ॥  
 के कसर हलि जब लेखीया मिहणि ।  
 जनता क सेवक में हय चिन्तामणि ॥  
 पत म्यर लिखि लिया के भुलिया भन ।  
 चिन्तामणि कुमाऊनी साहित्य सदन ॥  
 सीताराम बाजारम चौरासी छै घन्टा ।  
 दिल्ली में विख्यात छाय अन्ठ नीछा सन्टा ॥  
 अल्मोड़ा पाली पछौ कमराड़ रनू ।  
 डाकघाना भिक्या सैण बला नया कनू ॥

## कुमाऊं के सम्राट

सूर्यवंश की वंशावली

भवानी दाहिनी है जो सरस्वती माता ।  
 गणपति गौरा पति श्री पति विधाता  
 प्राचीन पुरुषो हणि दिनू थंद्राजलि ।  
 कुमाऊं का सम्राट वीर और बली  
 जनुकणि आजलोग देवना माननी ।  
 नाचनी जगेरी मजि अभिनय करनी  
 आज बनी रथी लोग लकीरा फकीर ।  
 स्याप भाजि नहै गोय पिटनी लकीर  
 का उसा मनख आव कैकणि पछयाण ।  
 मैसो कणि पड़ि रैछा नाचणै की बाण  
 नाचणिया मनमौजी खुशीलै नाचनी ।  
 उन महा पुरुषों का नाम लै  
 • दुखियो दे यस कनी सनाई सौकरा ।  
 त्वील मेरि पुज निकै में लैरों तेपरा  
 असौज का नौरतक बैदिए कराड़ ।  
 नौरतों में कत्यूरौ कै चढ़यै भैराड़  
 सुंगर कुखुड़ ल्यए बाकर ढेवर ।  
 सात नाज सत नोजा बनैए डेकर  
 कत्यूरीया सूर्यवंशी छीया मालसाई ।  
 लेखनु मैं कुछ आब उनरी पिनई

सरस्वती सुमिरी वै लेखनी उठान् ।  
 जस अनुभव हौछा सबूकै बतान् ॥  
 कत्यूर छी धरमात्मा सूर्यवंशी राजा ।  
 उनारा वैपूज छीया मनु महाराजा ॥  
 सृष्टी का आदि मजि मनुदेव हया ।  
 मनु और सतरूपा विधि उपजाय ॥  
 मनु जी का च्यला हया नृप उत्तानपद ।  
 प्रुव हरे भक्त हया उनरि औलाद ॥  
 चौथी वस्था मजि मनु तपस्थी है गया ।  
 दुसरा जन्म फिर दशरथ हया ॥  
 मनु जी का मन मजि य विचर हय ।  
 चौथा पन आईन गोछा भजन निकय ॥  
 सूर्यवंशी रजा फिर सगर लै हया ।  
 साठ हजार च्यला जैका जलि मरि गया ॥  
 दूसरा सुपुत्र हय असमन जस ।  
 अन्सु मान च्यल जैक त्रिलोकी में यस ॥  
 पै उत्तरा पुत्र हया औ राजा दिलीप ।  
 रावण के जिरणे की सोचि तरकीप ॥  
 महाराजा दिलीपैले वाण छोड़ जब ।  
 मंदोदरी गोद मजि छिपि गोय तब ॥  
 दालीपा का च्यला हया राजा भगीरत ।  
 जनर सुयस कणि ज्ञारण्ड जगत ॥

तपस्या कैवटि ल्याया भागीरती धार ।  
 सागरा का च्यला तेरा तर सनसार ॥  
 भागीरत पुत्र हृय राजा कुकस्थान ।  
 बल पराक्रम जैक उनरै समान ॥  
 उनू है पछिल फिर राजा रघु हया ।  
 तभणि वै सूर्यवंशी रघुवंशी हया ॥  
 रघुवंश मजि फिर हया राजा अजा ।  
 जनरा सुपुत्र हया दशरथ रजा ॥  
 दशशीर्ण मृत्यु हलि जैका च्यला हथ ।  
 दसौ दिसा रथ चलि उंवी दशरथ ॥  
 दशरथा चार पुत्र जगत प्रकाश ।  
 जनरा नामलै हौळा अन्धकार नाश ॥  
 असुरौंक नास करि हर भूमि भार ।  
 सुर मुनि सुखदाई चरित्र अपार ॥  
 •अयोध्या में जब हया राजा श्रीराम ।  
 प्रजा जन नर नारि सब सुख धाम ॥  
 राम राज्य बैठे त्रीयलोका, हर्षिय जन गए सब शोका ।  
 वैर न करह काहू सन कोई, प्रभु प्रताप विसमना खोई ॥  
 सब नर करहे परस्पर प्रीती चलहिं स्वर्घर्म निरत शृतिनीती ।  
 सुख सम्पन्न सदा रहे धरणी त्रेता करैं सतयुग की करणी ॥  
 राम ज्यू का राज मजि सब सुख हर्ष ।  
 उनर स्वराज्य रय ग्यारह हजार वर्ष ॥

गरियादा बाधि गया श्री राजा राम ।  
 यों शरीरै सुरलोक गया सुखधाम ॥  
 इनरा सुपुत्र फिर लवकुश हया ।  
 और तीनै भाइयो का ढी ढी च्यलाइया ॥  
 लवकुश चरित्र लै जगत विख्यात ।  
 रामज्यू है कम निछा बल बुधीबात ॥  
 रामज्यूक च्यल कुश हय पै मसूर ।  
 उन्हें आपण राज बसाय कसूर ॥  
 अयोध्या नगरी तव हैगयी उदास ।  
 नारि रूप धरि बटि गयी कुशैपास ॥  
 हात जोड़ि अयोध्या लै कुश हाँती कय ।  
 मैं तुसरा पूर्वजौ की राजधानी हय ॥  
 तुमु विना अयोध्या कि दुखि है प्रजा ।  
 हमारि पालना करौ यई मेरो असि ॥  
 सुणि बटि अयोध्या का करुण बयान ।  
 कुश राजा अयोध्या है करि दी पयान ॥  
 अयोध्या नगरी कणि सुन्दर सजाय ।  
 सुखी हैगे प्रजा तब बड़ यस छाय ॥  
 नाग राज कुमुद कै जीती वै लणायी ।  
 वीकी चेलि कुमुदनी ब्यवै बटि ल्यायी ॥  
 अग्नी साक्षी ब्या करछा गांधरव रीती ।  
 कुश कुमुदनी का दैजनमा अतिथि ॥

योंजा अतिथि लकी बड़े भारी हया ।

आसण पूर्वजो है बे कम क्वे निरथा  
कुश बैवै बीरगती स्वर्ग न्है गया ।

अतिथि अयोध्या मजि सम्राट हया  
अतिथि का राज मजि इन्द्र करि वर्षा ।

खुब अन्ना पैद हय प्रजा कणि हषि  
बरुणै लै खोलि दीया सब जल स्रोत ।

कुचैर लै धन दीवै करि ओत प्रोत  
अतिथि का यस पैजे खूब फैली गोय ।

निसीथी रजका उति उनर व्या हय  
निसीधनी नाम छोय निसिवै की कन्या ।

निसिध सुपुत्र हय उनीक प्रजन्या  
अयोध्या का राज काज उकणि दी गया ।

बृद्ध वस्था अतिथि पै स्वरग न्है गया

• निसिधक नल हय नलक पै नभ ।

नभक गुपुत्र हय दुन्डरीक वत  
विक पुत्र क्षेम धन्यां वीक देवनीक ।

देवनीक पुत्र हय आदि नग ठीक  
आदिनग रजा छोया वीर प्रराकमी ।

गुणवान शीलवान सुशील स्वधर्मी  
प्रजा की पालन करि गया सुरधाम ।

उनर सुपुत्र हया परियान्त नाम

परियन्ता शीलवान सुन्दर सुनाम ।  
 शीलवान पुत्र हया तेजस्वी उन्नाम ॥  
 उन्नाम ब्रिजघोष ब्रिज वीक नाम ।  
     ब्रिज नाम लक्षि फिर गया सुखधाम ॥  
 शंखण्व हय तब राज अधिकारी ।  
     उनरलै अयोध्या में यसरय भारी ॥  
 शंखण्वा पुत्रहया विशान्त नरेश ।  
     उनूलै लड़ायी मजि जीता सब देश ॥  
 वियूशन्ता का विम्बास्वह हया गुण धाम ।  
     विश्वास्वह पुत्र हया हर्णयम नाम ॥  
 हर्षण्व हया कनी विष्णु जी का अंश ।  
     उनूलै उज्जवल क्य फिर विर वंश ॥  
 विक पुत्र वैसभ छो विक ब्रह्मरिष्ट ।  
     ब्रह्मज्ञानी रजा छीया श्री ब्रह्मारिष्ट ॥  
 उनरा सुपुत्र छीया पुत्र रथ नाम ।  
     पुत्ररुथा पुत्र हया पुस्य सुखधाम ॥  
 पुस्या का छी ध्रुवसन्धी बातुनी बहौर ।  
     इनरा छी सुदर्शन गुणवान भौत ॥  
 ध्रुवसन्धी एक दिन मारि दी बागेलै ।  
     सुदर्शन वचि गया आपण भागैलै ॥  
 सुदर्शन अयोध्या में कर जव राज ।  
     बिधृधकाल वन मजि गया हय काज ॥  
 उनरा सुपुत्र हया राजा अर्जिनवर्ण ।  
     काम पियासा में जो है गया अवर्ण ॥

राजा अग्निवर्ण छीया वहौतै बिलाशी ।  
 उनरा राजम छिया परजा उदासी  
 उनुकणि प्रिय छिय कामी नी कलाप ।  
 नई नई नारियों का वारता कलाप  
 महलौं में मद मस्त रछीया मगन ।  
 कारब बटि कामिनी क कोमल बदन  
 राणियां छी रनीवास नई नबेलिया ।  
 हिनौला में भूलछिया सब सहेलियां  
 उनरा दगड़ा रजा खेल छी हिनौवा ।  
 भिड़ि वै अंगाव तब रंछी रंग बौवा  
 राणियों दगड़ा सदा रछीया मगन ।  
 प्रजा कणि निहछिया कभै दरशन  
 उनरा दर्शनों हणि प्रजा छी आतुर ।  
 परजा छी सच्चरित्र रजा कामातुर  
 यथा रजा तथा ग्रजा निछी उबखत ।  
 रजा छिय कामी क्रोधी प्रजा छी भगत  
 भरौकौ बै कर छीया सरज्यु की शैल ।  
 उज्वल निर्मल जल लहर छ छैलर  
 एक दिन परजा लै अरज सुणाई ।  
 रजा का दरश चानु हम सब भाई  
 मंत्रि औ दिवानों तब अरज कै पेश ।  
 अग्निवर्ण आज्ञा हैई आवो सब देश

खुटा दरश तुम करि जाओ प्यार ।  
 बों खुटक कुर कुच करि दिय भ्यार ॥  
 प्रजा लै आपण तव धन भाग माना ।  
  
 खुटा का दरश क्या धरि बटि ध्यान ॥  
 यसा छीया अग्निवर्ण काम वशीभूत ।  
 कसा कसा है जानी कपूत सपूत ॥  
 उई सूर्यवंश मजि कस कसा हया ।  
  
 उई वंश मंजि एक रजा यों लै हया ॥  
 मान धाता महि पति सगर निलीप ।  
  
 भागीरत अमरीष धुव कुल दीप ॥  
 सूर्य कुल मजि हया बुल में पतंक ।  
  
 अग्निवर्ण यसा बुल में कलंक ॥  
 य रजैलै भौत कय नारि रंग भोंग ।  
  
 आखिरी है गोंय फिर राज द्यमा रोग ॥  
 रजा आब द्यमा रोग है गया विमार ।  
  
 जाई निसकना आब भितेर बै भ्यार ॥  
 रजै कणि आब कुछ निहातिना ध्यान ।  
  
 राज काज चलाणैरी मंत्रि व दीवान ॥  
 दिन प्रति दिन रजा विमारै रहया ।  
  
 आखरी ऐ एक दिन स्वर्ग नहै गया ॥  
 उनरा जीवन मजि निहै सनतान ।  
  
 प्रजा कणि उबातक बहौत छी ध्यान ॥

एक राणि उवर्खत गर्भवती छीया ।  
 उनी कणि तीन म्हैण तब हैर छीया ॥  
 सत्र प्रजा उवर्खत है गेढ़ी निरास ।  
 उयी गर्भ पर तब लै रछीया आस ॥  
 तीन वरि चार हया चार बटि पांछ ।  
 छयों सातों आठों नवो दशों हैगो साँच ॥  
 दशवै मैहण तब च्यल हई गय ।  
 प्रजा कणि उवर्खत बण हर्ष हय ॥  
 अयोध्या में उवर्खत मनाई गे खुशी ।  
 राम जन्म मजिखुशी हैछी जसी उसी ॥  
 जागिगे यो बंश मजि दुब कसी जड़ा ।  
 वीक बाद रघुवंश फिर भौते बड़ा ॥  
 विक राम सिन्धु छीय समुद्र समान ।  
 गुणवान ज्ञानवान चतुर सुजान ॥  
 सिधुका सुपुत्र हया श्रीमख रजा ।  
 वीर और बलवान राजाओं का रजा ॥  
 मखका सुपुत्र हया श्री प्रसुभुत ।  
 प्रसुसुना सेविहया भौत अद्भुत ॥  
 सेधि का छै अमरहण वीका सदसवान ।  
 सदसवाना विस्व बाहु हया विदवान ॥  
 विश्व वाहू पुत्रहया श्री प्रेसेन जीत ।  
 उनरा सुपुत्र हया तकद्दक पुनीत ॥

तक्षक का मुत्र हयर पुता का बिठ्ठला ।  
 बिठ्ठला का विहर्दण हया भौत भला ॥  
 विहर्दण पुत्र हया श्री वस्व बिद्व ।  
 वस्व विद्वा प्रति व्योम जगत प्रसिद्ध ॥  
 प्रति व्योमा पुत्र हया श्री राजा मान ।  
 उनरा छी दिवाकर भौत गुणवान ॥  
 दिवाकर पुत्र हया शीरी सहदेव ।  
 सहदेवा पुत्र हया वृपदस्व देव ॥  
 वृहदस्वा पुत्र हया शीरी मनू मान ।  
 मनू माना पुत्र हया प्रिति काखवान ॥  
 प्रिति काखा सुप्रतीक वीका भस्चदेय ।  
 भरचदेय प्रजा पर अधिक सनेय ॥  
 भरचदेय पुत्र हया श्रीसुनखतर ।  
 सुनखतर लकि हया भौत पबीतर ॥  
 नखतरा च्यला हया राजा एउकर ।  
 पुष्करा का च्यला हया अत्तरिक्षनर ॥  
 अन्तरिक्षा सुतया छै वी० अविभाजिता ।  
 अविभाजिता का पुत्र वृहदाज मित्त ॥  
 वृहदाजा बद्रि हया वीका छै कृतज्या ।  
 कृतज्या का पुत्र हया गुणग्या रणज्या ॥  
 रणज्या का संजया छै सजया का शक्य ।  
 शावय का छै सुहदेय सुन्दर सुवाक्य ॥

सुहृदे का देगल छै वीका प्रेसेनजीत ।  
 त्रसेन जीता च्यला हया सुद्रक पुनीत ॥  
 सुद्रका का कनक छै रहनी भलिका ।  
 यो छै सब सूर्यवंशी अंश मनूजीका ॥  
 कनका का सुख्य हया सूर्यख्याका सुनीम ।  
 सूर्यवंशी भारतै की अयोध्या भूमिम ॥  
 यतुक नृपांते हया तीरेता द्वापरा ।  
 द्वापरा का अनन्त मजि यथा उथा सरा ॥  
 सूर्यवंशी रघुवंशी फिर भौत हया ।  
 कलियुग मजि ऐऊ कुर्माऊ में गया ॥  
 उई सूर्यवंशी एक छी शालीवाहन ।  
 अयोध्या वै उत्तरा खन्ड गया प्रयटन ॥  
 'कत्यूरों' के मूल—जोशीमठा नजदीक सुन्दर सुस्थान ।  
 प्राचीन मन्दिर उति नृसिंघ भगवान ॥  
 • ठन्डी हवा ठन्डपाणि हरीया जंगल ।  
 पशु पंछि कोलाहल करनी मंगल ।  
 अनेकों प्रकार उति फूल और फल ।  
 अनेकों औषधे उते भला हवे भल ।  
 जड़ि बूटि पेड़ पत्ता अनेकों प्रकार ।  
 जन औषधों लै हौछा पर उपकार ।  
 उति घुम हणि जब सूर्यवंशी अय ।  
 रमणिक स्थान देखि उति रमी गया ।

उशाली वाहन छीया नृप समराट ।  
 उनुलै जमाय उति बड़ा बड़ा ठाट ॥  
 अखिल भारत मजि उनरा छी राज ।  
 उति बटि चला छीया सब राज काज ॥  
 ह्यौन हणि उति बटि भावर जछीया ।  
 खेरागढ़ धामपुर दिकुली रछीया ॥  
 कमला धमल और काला ढुंगी माल ।  
 सीतावणि पाटकोट गौली गगा छाल ॥  
 ह्यौन हणि तरायी में करं छीया राज ।  
 रुणि हणि जोशी मठ रंछी महाराज ॥  
 उनुलै आपण उति बनै राजधानी ।  
 महैला बनाया उति बड़ा धनी मानी ॥  
 सात पुस्त तक क्य जोशी मठ राज ।  
 कार्तिकेय पुर फिर आया माहराज ॥  
 कीर्तिकेयपुर बै यों कत्युर है गया ।  
 तब बटि सूर्यवंशी कत्युरीया हया ॥

## कुमाँऊ के सम्राट

कत्यूर वंश

जोशी मठ बटि एति कसिक ए एया ।  
 एमें एक रहस्य छा सो समझी जया ॥  
 सूर्यवंशी राजा एक बासूदेव छीया ।  
 कत्यूरीया राजाओं का पुरबज छीया ॥

जोशी मठ मजि छीय राज दरवार ।  
 राज काज चलु छीय भलि पकार ।  
 भक्ति भाव दया दान उनौं कै पसन्द ।  
 अन धन दहो दूध सब छा आनन्द ।  
 नित्य प्रति कर छीया धरम करम ।  
 पूजा पाठ यज्ञ दिग्य नीयम धरम ॥  
 इनरा याँ एक दिन नरसिंह आया ॥  
 इनरी भगती देखि भैत खुशी हया ॥  
 उखत रजा तब जै रछी शिकार ।  
 राणि छीया घर कणि सुन्दर विचार ।  
 नीम बन्ती धर्मबन्ती अति प्रियशील ।  
 दान दया धरम में सुन्दर सुशील ॥  
 घर कणि साधु जब अतिथि ए गया ।  
 राणि लै आदर कय भलिक बैठाया ।  
 \* तब जै अरज करि जोड़ि बटि हात ।  
 कावै आछा कसि आछा बताओ के बात  
 क्य खातिर सेवा कस क्य तुमरि इच्छया ।  
 क्य चैंहैछा अनधन मणि मोती भिच्छया ।  
 और के निचैन कंनी साधु महाराज ।  
 भोजन करण चानु तुमरा याँ आज ।  
 आपण हातैले तुम भोजन बनाओ ।  
 मणि मोती क्ये नीचैना भीतेर लिजाओ

राणि कैछा महाराज कसिक बनानु ।  
 एति आज पाणि नोछा पाणि कावे ल्यानू ॥  
 य बखत कुछ निछा दूद दही घृत ।  
 रजा निछै घर कणि क्य करनु कृत ॥  
 तब कनी महात्म सब छा मौजूद ।  
 भितेर जैबटि देखो घृत दही दूद ॥  
 महात्मा ज्यूल मारि चीमटै लै धर ।  
 उतकणि फुटिगया पाणि का मंमर ॥  
 राणि गे भीतेर जब भरिया छा भना ।  
 भ्यार एवे देखी छी ता पाणि की छा रना ॥  
 तब जसी राणि कणि अचरज हय ।  
 बैठो बैठो महाराज फिर फिर क्य ॥  
 राणि लै पै सटरस भोजन बनाय ।  
 साधु महाराज कणि खवाय पिवाय ॥  
 आब क्य महात्मा करनु आराम ।  
 थोड़ि देर लेटि जानू फिर जौला धाम ॥  
 राणि लै पलंग मजि लगाय विस्तर ।  
 महात्मा लेटि गया तब तत पर ॥  
 अघिला क्य हौछा आब देखि लियो हाल ।  
 होनहार कसि हैछा करि लियो रुयाल ॥  
 दोहा—जैसी होनी होत वता तैसी उपजै बुद्ध ।  
 होनहार हृदय बसै बिसर जाय सब सुद्ध ॥

रजा जब उबखत सिकार बै आया ।  
 पलंग में लेटिगया क्वे महातमा पाया ॥  
 रजा कणि देखि बटि बड़ गुस्स आय ।  
 उठाय रजै लै तब खड़क चलाय ॥  
 खूनै की जगम तब दूध आई गय ।  
 तब जसी रजा कणि अचरज हय ॥  
 तब जै रजैले पुछि राणि हाँति बात ।  
 कोछिया यौं जैक मैले काटि हैछा हात ॥  
 राणि कैछा महाराज यौं छैं कोई सन्त ।  
 इनरा मकणि लकि निमिल के अन्त ॥  
 तपस्वी छैं महातमा सन्त सिरोमणि ।  
 इनुलै आश्चर्य बड़ दिखाय मकणि ॥  
 इनुलै म्यहाति जब भोजन माँगौछा ।  
 मैल तब घर कणि कुछ निछा कौछा ॥  
 तब जै इनुलै कय सब छा आनन्द ।  
 मैं तुमरा घर देखि बहोत प्रसन्द ॥  
 इनुलै दिखाय तब यस चमचकार ।  
 चिमटै लै पैद कैदि एति जल धार ॥  
 घर मजि दूद दही भरी गया भना ।  
 तब मैले इनू हणि बनाय भोजना ॥  
 भोजन कैबेर फिर इनुलै य कय ।  
 आराम करण चाँछी कति कण हय ॥

मैल क्य महात्मा कै लियो आराम ।  
 पलंग में लेट जाओ में करनु काम ॥  
 तब जै यो पलंग में एति लेटि गया ।  
 आव तुम पुछि लियो को सजन हैया ॥  
 रजैलैयो सुण जब राणि का बयान ।  
 तब जै नरसिंह ज्युक आइ गोय ध्यान ॥  
 रजै लै विनती करि नरसिंह हणि ।  
 महात्मा तुम दियो सराप मकणि ॥  
 म्यरा कैले हई गोछ भारि अपराध ।  
 पराश्रिचत करुला मैं बताओ क्ये साध ॥  
 तब क्य साधुलै मैं नरसिंह हय ।  
 तुमरि भगति देखि प्रसन्न है गोय ॥  
 तब आय तुमराया करण भोजन ।  
 तुमकणि आपण यां दिण दरशन ॥ •  
 बिन सोचि समझी बै कर तुम बार ।  
 पुछ नै क्ये कै हाति लै चलाय हत्यार ॥  
 इखो म्यरा हाँत मजि चोट लागी गेछा ।  
 यई मेरी मुरती में धाव हई गोछा ॥  
 आव तुम एति बटि और कै न्है जाओ ।  
 कै आपणी राजधानी अलग बनाओ ॥  
 और देख सुणि ले तु य सराप म्यर ।  
 खुब पर भाव शालि राज हल त्यर ॥

अखण्ड भारत मजि साम राज्य रल ।  
 गिरि राज चक्र चूड़ामणि पद हल  
 देश देशा रजा सब रहैला आधीन ।  
 कुमाऊँ का समराट हला परवीन  
 एक बार तुमरि या दिग विजय हलि ।  
 भारत भूखण्ड मजि धाक जमी रली  
 आव य सराप म्यर सुणि ले तु बात ।  
 ज दिन य मूरतीक ढुटि जाल हात  
 उ दिन वै त्यर हल राज्य में विधंस ।  
 छिन्नमिन्न हृइ जाल त्रेय हल बंश  
 नरसिंघ ज्यूलै जब य सराय दिय ।  
 रजैले सराप फिर सिर धरि लिय  
 जोशि मठ बटि तब कत्यूर ए गया ।  
 यशिक यों सूर्यवंशी कत्यूरीया हया  
 उति वै इनर हय राज्य विस्तार ।  
 चक्रवर्ती समराट हया संसार ।  
 उवर्खत भारत में कत्यूरोंक राज ।  
 गिरि राज चक्र चूड़ामणि महाराज ।  
 दिल्ली वै रोहिलखण्ड प्रसिक्कम तलका ।  
 बंगाल नैपाल बटि काबुल तलक  
 चारो दिशा चौतरफा कत्यूरौ की धाक ।  
 भारत भूखण्ड मजि जमि गयी साक

गढ़ वाल राज लकी उति वै कछीया ।  
 होन हणि भावर मैं ढीकुली जछीया ॥  
 छै सैहैण भावर में करं छीया राज ।  
 जमां छीया आपण यों सब साज बाज ।  
 इनर स्वराज्य रय पहाड़लै देश ।  
 बड़ा बड़ा पैद हया भुपति नरेश ॥  
 एक हबे एक बाँकी वीर पराक्रमी ।  
 पुन्यातमा धरमातमा सुनीति सुधर्मी ॥  
 गुण विद्यावान हया और दया दानी ।  
 वेदशास्त्र पुराणों का विदवान ज्ञानी ॥  
 यज्ञ दिग्ब धर्म कार्य नित्य कर छीया ।  
 विना धर्म कार्म करि खाण निखलिया ॥  
 जाकणि जो काम कर घैट छीया धज ।  
 बृहद खम्ब गाड़ छी कत्यूरी या रजा ॥  
 वौहतें बनाई दीया मन्दिर विशाल ।  
 कुमाऊँ लै गढ़वाल और नैनीताल ॥  
 कुमाऊँ में भौत जग खई खम्बो खौला ।  
 कत्यूरी का बनाइ या मन्दिर लै नौला ॥  
 इनरा जो बनाइया सुन्दर सुस्थान ।  
 कुमाऊँ में भौत जग छन विद्यमान ॥  
 बागेश्वर मन्दिर - लै इनुलै बनाय ।  
 द्रौणगिरी मन्दिर लै इनुलै बनाय ॥

द्वाराहाटा मन्दिर लै कत्यूरी रजों का ।  
 और कई नौला उति इन पूर्वजों का ॥  
 तीरथ जो एक उति श्री विमान्डेश्वर ।  
 कत्यूरीक हय योलै प्राचीन मन्दिर ॥  
 राणि बाग बनाईया कत्युरी राणिक ।  
 बगीच बनाय उति गौला क पाणिक ॥  
 फल फूल माग पात सब उति बोय ।  
 तब जसी बीक नाम राणि बाग हय ॥  
 राणिखेत डान लकि कत्यूरीक हय ।  
 उबखन विक नाम राणिछेत्र हय ॥  
 राणि लै बनाय योलै शैल कर हणि ।  
 कमै कमै राणि जँछी उर्ती युम हणि ॥  
 तला दोरा इड़ा एक थोकदार रनी ।  
 एक जगा उतिक नौ बार स्वामों कनी ॥  
 न्पुराण पथरौ का बाँ बार छन खम्ब ।  
 कत्यूरौ के हनला यों बार चृहद स्तंव ॥  
 बला नया कमराड़ मानिला मन्दिर ।  
 कत्यूरौ कौ बनाईया हनल आखिर ॥  
 लिखाई खुदाई बीकी बहौत प्राचीन ।  
 , उकणि बनाणियाँ क्ये हनल प्रवीन ॥  
 यसा यसा भौत चीज इनुलै बनाया ।  
 पाणि नौला धरा लकि मन्दिर बनाया ॥

धर्मशाला देवालय विद्यालय खोला ।  
 सड़का बनाया भौत काटि बटि भ्योला ॥  
 भौत भौत मन्दिर कै भूमि करि दान ।  
 वामणै कै दान दिवै कर सनमान ॥  
 विद्वान वामणै की कदर कछीया ।  
 साधू सन्त सज्जनों की सेवा कर छीया ॥  
 गऊ पूजा कर छीया और गऊं दान ।  
 नित्य प्रति ईश्वरक धर छिया ध्यान ।  
 अतिथि फकीर कणि दीछीया यों दान ।  
 राजनीति जाण छीया ज्ञान लै विज्ञान ॥  
 प्रजा कणि सुख दिल्ली तंग नी कछीया ।  
 गरीब विधवा हाँति कर नी लिछीया ॥  
 रजा महाराज सब मिलण अछीया ।  
 इनरा वाँ विदेशों का राजदूत छीया ॥  
 राज कर्मचारि लकि वीर और बली ॥  
 पुरुषकार बाट छीया पदवीलैं भालि ॥  
 राज्य अभिषेक जब इनरा हंछिया ।  
 देशा देशा महाराज एति ऐ जंछीया ॥  
 अतिथि फकीर और राज कर्मचारी ।  
 पन्डित विद्वान लकि भाट लै भिकारी ॥  
 सबु कणि उति तब मिलू छीया दान ।  
 अन धन वस्त्र भूमि आपू अनमान ॥

## कुमाऊँ के सम्राट

\* कत्यूरी चक्रवर्ती राजा \*

शालीवाहन देव पैली जोशीमठ आया ।  
 चार पांछ पुस्त वाद वासुदेव हया ॥  
 वासुदेवा च्यला फिर कंनक देव हया ।  
 कंनक देव काबुल में लड़ मरि गया ॥  
 कंनक देवा वाद फिर बसन्त देव हया ।  
 खरय कल्याण देव त्रीभुवन देव ॥  
 निष्ठृत देव निस्तारण ललित स्वरदेव ।  
 ललित सूरा वाद हया सम्राट भूदेव ॥  
 विका वाद निष्ठृत छै नाथु देव रानी ।  
 फिर हया इष्ट देव दिशा महारानी ॥  
 • ललित मोहन देव श्यामा महारानी ।  
 सलोनादित्य समराट सिधावली रानी ॥  
 पैजसी इच्छट देव राणि सिन्धु देवी ।  
 दैसट समराट राणि पद मल देवी ॥  
 पदमल देव फिर इसाल दे रानी ।  
 सुभिक्षण हया फिर समराट ज्ञानी ॥  
 यतुक यौं कत्यूरिया समराट हया ।  
 गिरि राज चक्र चूड़ा मणि पद हया ॥

इनरा राणिया लकि इनु जसै छिया ।  
 पति व्रता सति सीता लक्ष्मी देवीया ॥  
 पति हवै दुसरौ कैं देखना निछीया ।  
 बिन पति खाइये आपू नी खांछिया ॥  
 यसा यमा नारिया यों छोया धर्मवन्ती ।  
 सती शिरोमणियों में जनरी छा गिन्ती ॥  
 और एक राजा छिया इनरा पूर्वजा ।  
 सूर्यवंशी कत्यूरिया राजाओं का राजा ॥  
 वीक नाम समन्तक एक वीणि राणि ।  
 राणिक नौ श्रीमति सज्य महाराणि ॥  
 चक्रवर्ती समराट हया बड़ा ज्ञानी ।  
 वीर वली पराक्रमी बड़ा दया दानी ॥  
 वीक एक च्यल हय बड़ ज्ञान वान ।  
 धनवान ज्ञानवान चतुर सुजान ॥  
 उल्ल हय सम्राट वलि पराक्रमी ।  
 दयावान ज्ञानवान सुनीति सुधर्मी ॥  
 इनुल वहौत जगा सड़क बनाया ।  
 बागेश्वर मन्दिर कैं जागीर चढ़ाया ॥  
 सुगंधित पदारथ फूल पती धूप ।  
 बागेश्वर मन्दिर में चढ़ा छोया खूब ॥  
 आपण जमान मजि चलै गया धाक ।  
 शिला लेख लेखि बटि जपै गया साक ॥

इनरा सुपुत्र फिर खरप देव हया ।  
 प्रतिष्ठित चक्रवर्ती समराट हया ॥  
 परया सुपुत्र फिर हया अधिराज ।  
 चक्रवर्ती समराट हया महाराज ॥  
 वीक राणि लज्जादेवी कुलै की छी लाज ।  
 उनीलै उत्पन कया त्रिभुवन राज ॥  
 योलै हया चक्रवर्ती चतुर सुजान ।  
 धनवान विद्वान बड़ै ज्ञान वान ॥  
 इनुलै बहौत बड़ा ठुल काम कया ।  
 बागेश्वरा मन्दिर में जागीर चढ़ाया ॥  
 ।  
 इनरा दुसरा च्यल बड़ा धनीमानी ।  
 धार्मिक प्रवृत्तिक बड़ दया दानी ॥  
 चन्द्र नन्दा देवी कणि भूमि करि दान ।  
 एक द्रोण और करि बागेश्वरा थान ॥  
 •एक राजा और छीय वीक नौ निवृत ।  
 दयादानी धरमात्मा बड़ सत्यवर्त ॥  
 मर्व शकि शाली और मृदुल स्वभाव ।  
 धीर वीर बलवान राजसी प्रभाव ॥  
 मुचरित्र गुणवान शास्त्र विद्वान ।  
 चलाण में निपुण छी तीर लै कमान ॥  
 भक्ति माव विचार छैं भजन पूजन ।  
 शिव जी की सेवा मजि जैक तन मन ॥

यज्ञदिग्य भौत कौच्छी धरम करम ।  
 यस कोर्ती बढ़ि गई भौत भौ भरम ॥  
 यसा छिया परजा का गुण सुलक्षण ।  
 दासू देवी राणि एकी च्यल इस्तारण ।  
 इस्तारण देव लकि सम्राट हया ।  
 धनवान गुणवान विद्वान हया ।  
 वीका राणि धरा देवी च्यल ललितमूर ।  
 कुमाऊँ का सम्राट हया भरपूर ॥  
 वीहंते प्रतिमाशाली बड़ा मूर बोर ।  
 शत्रु पर चलां छीया तरकस तीर ॥  
 उनीलै उनपन्न करा सम्राट भूदेवा ।  
 ब्रह्मा विष्णु शिवजी की कछीया जो सेवा ॥  
 बुद्ध धर्मा शत्रु छीया बड़ा विद्वान ।  
 सत्यमार्गी सनातनी मुन्दर सुजान ॥  
 मुन्दरता उनरी के वरणि निजानी ।  
 देश देशा महाराज शिर भुकै जानी ॥  
 उनरा जो किरोटोकी भंकार पड़िच्छा ।  
 भुदेवा का कानों मजि कल हैर्झ जैच्छा ॥  
 कमल छै नेत्र जैका मुख पूर्णचन्द ।  
 तप तेज चम कौच्छा मुख में स्वच्छन्द ॥  
 नव पल्लव जसा हा तौ का हतेली ।  
 सुनका सिलिप जसा पैरो का पैतली ॥

कन चन शरीर जैक मुखोभाय मान ।  
 कत्यूरीया सम्राट यसा दिव्यवान ॥  
 यस छीया धनीमानी बड़ा दया दानी ।  
 बेद शास्त्र पुराणों का विद्वान ज्ञानी ॥  
 ब्रह्मा विष्णु पुजं छीया शिव भगवान ।  
 भूत पूजा निकछीया पशु बलिदान ॥  
 बुद्ध धरमा का छीया यो कट्ठर विरोधी ।  
 सनतानी पन्डतों के ल्याछीया मोधी ॥  
 उन् हैंदे पैली उति बुद्ध धर्म आय ।  
 कुमाऊँ वै शौद्ध मत उनुजे हटाया ॥  
 राज कर्मचारियों कणि पैसन दी छीया ।  
 पन्डिता विद्वानों कणि गांव घेल दीया ॥  
 कमै निपूजछीया ऊ काली महाकाली ।  
 देवी और गढ़देवी भैरवी कपाली ॥  
 • उवखता सौणियों कौ नीछीया के परदा ।  
 शुद्ध सनातन छीया धूल निळी गर्दा ॥  
 यों लै हया प्राचीन इनरा पूर्वजा ।  
 कुमाऊँ का सम्राट सूर्यवंशी राजा ॥  
 कत्यूरीया रजा पैली यस यस हया ।  
 दसौ सदीवाद पैयौ हरै बीलै गया ॥  
 दिल्ली में कुमाऊँ रजा करि गया राज ।  
 दिल्ली का तखत मर्जि कुमाऊँ का ताज ॥

राजधानी इनरी छा काति क्ये पुर ।  
 दुलि राजधानी रह उनरी कत्यूर ॥  
 गोमती व सरयू का बीच में यस्थान ।  
 कुमाऊँ में उनर य हय राजस्थान ॥  
 बड़े बड़े शहरै वाँ बड़े बड़े ठाट ।  
 तल्ली हाट मलि हाट रण पुलीहाट ॥  
 द्वाराहाट सेलीहाट और पली हाट ।  
 ब्रह्मपुर लखन पुर रंगीली बैराट ॥  
 दस सौ बरष रय इनर याँ राज ।  
 बड़ा बड़ा चक्रवती हया महाराज ॥  
 बाद में इनरा एति आल काढ़ी गया ।  
 छैयो जगा हणि तब छैं आल न्है गया ॥  
 एक गे गंगोलीहाट एक डोटी हणि ।  
 एक आल न्है गेढ़ा असकोट हणि ॥  
 एक न्हैगे पाली पछो एक गढ़वाल ।  
 कीतिकेयपुर मजि रैगे एक आल ॥  
 आधीला पढ़िया आव धरि बठि ध्यान ।  
 दसौ सदी बाटा का यौ करनु बयान ॥  
 उभणि वै कत्यूरौ कौ सामराज्य गय ।  
 मान्डलिक रजा हया दुल क्ये निहय ॥  
 जगु जगु बनि गया मान्डलिक रजा ।  
 निकय क्वे दुल काम निघैटा क्वे धजा ॥

इनरा आपस मजि हई गयी फूट ।

आपणि आपणि ओर हैंगे लुटा लूट ॥

देश देशों बटी फिर राज छुटी गय ।

कत्यूरों क राज फिर कुमाऊँ में रय ॥

कुमाऊँ लै आखिरी में हय छिन्न भिन्न ।

आपस में लड़ि मरि हयो गया खिन्न ॥

✓ नरसिंग ज्यूक सांप सामणि ए गय ।

धाम ज्यो का समय वै विधन्स है गय ॥

कत्यूरी आखरी राज धामदेव हया ।

दूसरी अलाका एक विरम द्यो हया ॥

पालि पछौ गिवाड़ में बैराट छा एक ।

रामगंगा किनरा में शुभ स्थान नेक ॥

लखनपुर उति एक जगा छा बंजर ।

मौजूद छै आजि उति पुराण खन्दर ॥

पालि पछौ कत्यूरी की एति राजधानी ।

जतरीया जगरीया सब ए बतानी ॥

एति एक रामगंगा मजि भौकौ रौ छा ।

भौक रौका पास एति एक सुह ठौछा ॥

भौक रौका मछा हया इनरा सैतुवा ।

सुइ ठौक बताई खानी यों पिमुवा ॥

मौहरुवा छीपली कुंवर गैतान ।

फौजि कमान्दर हया मेजर कप्तान ॥

भी भाई कठैत हया भीमा और पामा ।  
 द्वीय बीर और हया स्यूरा प्यूरा नामा ॥  
 एक बीर और हय मंगल पठान ।  
 जैदगड़ा पैलो हय युद्ध घमासान ॥  
 कत्यूरौ का दगड़ा उ जब हारि गोय ।  
 तभणि वै कत्यूरौक दगड़िया रय ॥  
 बहू सजे पाल छीया इनरा बामण ।  
 शुभाशुभ दिन बार बतानी लचमण ॥  
 गुरुज्ञानी खेगदास भेकदास ज्ञानी ।  
 जगरीया यो इनरा गुरुजी बतानी ॥  
 भौत जगा हैगे कनी इनरी लड़ाई ।  
 बड़ा बड़ा रजौ हणि करि दी चढ़ाई ॥  
 सब जग जीत हई है गया विजयी ।  
 कत्यूर वंश का छीया हार कै निहयी ॥  
 धामद्यो की फौज छीया बीर बलवान ।  
 तब छिय कत्यूरोंक मान सनमान ॥  
 धाम धोक राज रय देश लै पहाड़ा ।  
 धामपुर विजनौर भावर पहाड़ा ॥  
 धामपुर बसाईयां धामद्यो कै हय ।  
 धामद्यो का नामलै यां धामपुर हय ॥  
 धामद्यो लै उबखत जिता सब धामा ।  
 भावर तराई मजि चल खूब नामा ॥  
 सीताबणि पाटकोट कमला धमला ।  
 कालाढुंगी लामा चौड़ा भावरा जंगला ॥

खैरागढ़ जंगल में कत्यूरौ के धाम ।  
 धामद्यो लै करा तब बड़ा बड़ा काम ॥  
 चौतरफा जीत हई बड़ै हय यसा ।  
 सूर्यवंशी पछाऊँ में हया सूर्य जसा ॥  
 सब चीज हणि हौछा समै बलवान ।  
 ऐ पुजि गो कत्यूरौ के अब अवसान ॥  
 विनासौ समय आच्छा बुद्धि विपरीत ।  
 तब राजा महाराजा करनी अनीत ॥  
 आई गीछा कत्यूरौक विनास समय ।  
 अभिमान भरि गोछा हैगी निरभय ॥  
 कसा कसा रजा पैली धरमात्मा हया ।  
 विनास समय आया अन्याई है गया ॥  
 मरनी द्या किरमिलै जामी जानी पंख ।  
 उसै तब कत्यूर लै है गया निशंक ॥  
 इनुलै दुनियाँ मजि कर अत्याचार ।  
 दुराचार भ्रष्टाचार और ब्याभिचार ॥  
 यसा यसा कण लगा वार परहार ।  
 प्रजा मजि तब जसो मज हाहकार ॥  
 ✓ बाज घटै भाग लिनी वंजै की रकम ।  
 यस करि दीनी आब अनीति अधर्म ॥  
 उल्टी नाई नाज जब मैसूर कणि दीनी ।  
 सुल्टी नाई उनहाति फिर भरै लीनी ॥  
 बटा नी हिटण दिना कैकि चेलि ब्वारी ।  
 जब्बरजस्ती करि दीनी इज्जत में ख्वारी ॥

भलि चेलि जैकि देखि घर में लीआनी ।  
 भल च्यल जैक देख नौकर बनानी ॥  
 पाणि का पन्यरा लकि गोरु का गुथाण ।  
 देवता क मन्दिर लै मुरदों तिथाण ॥  
 मेला लै त्योहार और मैफला मोभर ।  
 बट हिटण कौ लकि लगै दीनी कर ॥  
 छड़िया चावल खानी दलिया यों दाल ।  
 सात फेरा चाइयायों आट खानी ब्याल ॥  
 लैणि क लवाद खानी बाखड़ि क सोट ।  
 दूध दही धृत खानी सहैदा का कोट ॥  
 जबर जस्ती लगै दीनी प्रजा पर कर ।  
 जो नि ध्यल मारी जाल अर्ज नै उजर ।  
 पन्यरौ कि दौड़ि कोर लैरे आणि जाणि ।  
 ताजि ताजि सीर कउ पिनी ठन्ड पाणि ॥  
 निमानौ जो आव कनी हमर हुकम ।  
 सुणि लियो उकणि य दन्ड धूला हम ॥  
 आरी लै चीरुला कनी गदन काढुला ।  
 खैचि बै जवान बिकी भ्यार करि धूला ॥  
 छुरि फेरि गल काटि करुला हलाल ।  
 बूष भरि धूला बिकी गैचि बटि खाल ॥  
 अति अभियान हैगो डर नै सरम ।  
 भौत करि हलि जब अनीति अर्धम ॥  
 दयानिधि दख जब यस अत्याचार ।  
 भक्ति भय हारि तब करनी विचार ॥

जल्दी हौण चैछ आब इनर विनाश ।  
 इनुलै जनता कणि दिहै भौत त्रास ॥  
 गिरी जानी दुनिया में जैक शुभ कर्मा ।  
 बढ़ि जानी जब जैका पाप व अधरम ॥  
 मिटि जैछा दुनिया में सब आन सान ।  
 हरै बिलै जैछ तब वीकी सनतान ॥  
 तब जसी इनू हणि चन्द रजा लड़ा ।  
 परजा छी परेशान निरहै दगड़ा ॥  
 उति तब लड़ायी में सब मरि गया ।  
 राजबंशा कत्यूरिया एक नि रहया ॥  
 सूर्यबंशी राजाओं कौ सूर्य छिपि गोय ।  
 चन्द बन्शीं चन्द्रमा क उदय है गोय ॥  
 बड़ा बड़ा मरि गया वीर बलवान ।  
 कथै कथै रहै गयी उनरी सन्तान ॥

## मनुराल वंश

मनुराल रजवार इनरा बंशजा ।  
 कुमाऊ का सूर्य छिया कत्यूरिया रजा ॥  
 रजवार ज्यादातर असकोट रनी ।  
 और कुछ दानणुर गंगोली छै कनी ॥  
 मनुराल ज्यादा रनी पाली पछौ मजि ।  
 पालि पछौ चौकोटम टमाढोन मजि ॥  
 सन्ट सैण मानुरा में मनुराल रनी ।  
 इनु हाँति मनुराल गुसाई ज्यु कनी ॥

पैलि वै यों देव हया फिर हया पाल ।  
 फिर कुछ सार्यो हया व दुसरी आल ॥  
 सार्यो शब्द बदली वै गुसाई है गोय ।  
 आजकल प्रचलित खालि गुसै हय ॥  
 चौकोटा का सयण छै मनराल गुसै ।  
 बांकी आब भौत जगा कनी गुसै गुसै ॥  
 सल्ट सैण मानुरा में भौत गौं इनरा ।  
 यो हया सयण और असामी खैकरा ॥  
 देखि लियो सुणि लियो करि लियो ख्याल ।  
 सूर्यबंशी समराट कस छिया काल ॥  
 कसा कसा पैलि वटि चक्रवर्ती हया ।  
 आपस में फूट पड़ि मान्डलिक हया ॥  
 जगा जगा बनि गया छोटा छोटा रजा ।  
 सयण रहया फिर आघलि बंशजा ॥  
 सयण वै थोकदार पधान रै गया ।  
 चक्रवर्ती समराट पधान रहया ॥  
 प्रधान का हिस्सेदार जमीदार हया ।  
 आखरी समय आब उलै नि रहया ॥  
 पधान सयण आब रया जमीदार ।  
 जमीदार वटि हैगी खुद कास्तकार ॥  
 एक नसी निमै रनी कैकि संसार ।  
 कुमुआज का समराट हैगी कास्तकार ॥  
 दीवान कोम का हया मोहरा कठैत ।  
 गीवाड़े की गाड़ मजि रहनी यों सैत ॥

लड़ाई में मरि गया जतुक कत्यूर ।  
 रजा लै दोवान लकि सब बीर सूर ॥  
 गीवाड़ै की गाड़ मजि भूत योनि रया ।  
 आज आब पछाऊ में देवता है गया ॥  
 सब जगा पहाड़म देवता नाचनी ।  
 जगरिया कत्यूरौ की पिङ्डनाई बांचनी ॥  
 शेरु व हरक राम द्वीय भाई छ्रीया ।  
 बल्लाँ नया कमराड़ गौ में रहछिया ॥  
 कत्यूरौ की जतरा उं लांछिया अद्वाई ।  
 सुणा छ्रिया सबुकणि उनरी पिंडाई ॥  
 नना छ्रीटू जतरा में उनरा बयान ।  
 जसरा सुणिछा मैलै धरि बटि ध्यान ॥  
 उनरा आंखर सब मकणि छै याद ।  
 अधील लेखनु अब उनरा सम्वाद ॥  
 पेली कनी बोल वृत सबुकौ हंकारौ ।  
 ढोल में चटक मारि हंकारौ हंकारौ ॥  
 फिर कनी वरणन उनरी लड़ायी ।  
 जोश चढ़ै दीनी खूब करि बै बढ़ायी ॥  
 धरमा का धाम घोछै सत का सतौजी ।  
 दूदा काछै दुलाशी यो बतानी औजी ॥  
 दूसरी आला का हया सिंघमा विरना ।  
 तीसरी आलाका हया भीकमा पितमा ॥  
 आल साई पाल साई झूना लाड़म साई ।  
 इनू मयि ठुल हया राजा मालसाई ॥

वहौत कत्यूर तब उति मारि गया ।  
 भौटवै राजुला कणि व्यवैवै जो ल्याया ॥  
 मोहरुवा छीपलिया कुंवर रौतान ।  
 पामा भीमा कठैत छैं मंत्रि लै दीवान ॥  
 बहू सजेपाल हया जिया राणि गुरु ।  
 नाचणिया यस कनीं जैजिया जैगुरु ॥  
 इनरी तारीफ करि जोसम चढ़ानी ।  
 ढोल लै दमुवा कणि जोरै लै वजानी ॥  
 जोर जोर चिल्लै बटि बजा छीया ढोल ।  
 जै जिया जै गुरु तब सब भण बोला ॥  
 नाचनै नाचनै तब शान में ए जानो ।  
 पैरीया कपड़ा लता दान करि जानी ॥  
 बनिरथी आज लोग लकीरा फकीरा ।  
 स्याप भाजि नहै गोय पिटनी लकीर ॥

### कत्यूरों की जतरा

तब बाबा महा रजान को राजा, सूर्यवंशी कत्यूरवंशी  
 पैली राजा घोट घोट को निघोट । निघोट को अरमा,  
 अरमा को बरमा, बरमा की कन्या अदेह मति । अदेहमती  
 अतिरुपवान गुणवान चतुर सुजान नियम धरम की पूरी ।  
 तब बाबा महारजान को राजा विना सूर्य कणि जल  
 चढ़ाइये भोजन नि खानी विना भगवान कणि भोग लगा  
 इए औरों कणि विखयानी तब बाबा महारजानको राजा ।  
 ऐसी कन्या अदेहमती अदेहमती को आसन्ती देव ।

आसन्ती कौ बासन्ती बासन्ती कौ नारंगदेव नारंगदेव को  
सारंगदेव सारंगदेव को सुजान मणिपाल सुजापमणिपाल  
को राजा पृथीपाल, पृथीपाल की राणि जीया, जीया को  
राजा धामदेव, दूसरी आल का राजा वीरमा, राजा वीरम  
देव तब बाबा महारजान को राजा कत्यूरी की छत्तीस  
आल बत्तीस परनी, भीकमसाई पीतमसाई इना लाडम  
साई राजा माल साई छै, तब बाबा महारजान को  
राजा नौ लाख कत्यूरी छै सत का सतौजी धरमका  
धामदो दूद का दुलासाई। इनकी छत्तीस परनी बाइसरौतान  
कुंवर कठैत छीपलीयारौतान मौहरुवा दीवान पामा कठैत  
भीमा कठैत ओ गूरु बूढ़ा सजेपालछै तबबाबा महारजान  
को राजा सीधसाधनी सिंघमा बाग सधनी बागमा छै सूर्य-  
वंशी दानी कत्यूर साजी खानी बासी बगस करनी। साजी  
पैरवी बासी बगस करनी। भौकारौका सैंतुधा मछाखानी  
सुई ठौकबताईया पीसीयां खानी, तरणि चेलिहीटण नीदिना  
वरडी बाकरी चरण निदिना, उल्टी नाई लै दीनी सुल्टी  
नाई लै लिनी। तब बाबा महाराजान को राजा धामद्यौलौ  
बेलाणि घाट को नकुवा मसाशा साधौ विरमद्यौलै नौ  
कुंचियाताल को पठाण साधों राजा माल साई भोटान  
देश वटि राजुला सौक्यण कणि वैवे वटि ल्याय तब बाबा  
लखनपुर का पाखा में आसन बाँका बासनबाँका बाँधा  
सिधासन बाँका। तलीहाट रण चुली हाट बाँकी  
रंगीली बैराठ बाँकी छा तब बाबा गौली घाट चित्रशीला

में स्नान करनी जिया राणि कौ डोला कस डटण भैगो  
गुरुका रंगीलौ बिजेसार वाजिगो जै जिया जै गुरु जै जिया  
जै गुरु जै जिया जै गुरु० तब बाबा महाराजा को राजा ।

## कत्यूरों की बंशावली

आजि सुणौ कत्यूरौ की एक बंशावलि ।  
कुमाऊँ का सप्राट वीर महावलि ॥  
ओ शालि वाहन देव सनजय देव ।  
कुमार लै हरि त्रीय ब्रह्मशंख देव ॥  
ब्रिज व वाणज्य देव विक्रम देव ।  
धरम सारंग देव व किलाप देव ॥  
भोज व विनयपाल भुजेन्द्र देव ।  
समसि असालदेव व असोफ देव ॥  
सारंग नागजा देव व कामज्य देव ।  
कामज्य देव का बाद शलि नकुलदेव ॥  
गणपति पृथ्वीधर जयसिंघ देव ।  
शंखचर सखेश्वर सोमेश्वर देव ॥  
सोमेश्वरौ दूसर नौ शनेश्वर देव ।  
आधील जतुक हया सब देवै देव ॥  
प्रसिद्धा का सिवदेव बृद्धराज देव ।  
पृथ्वीश्वर देव और बलकन देव ॥  
आसन्ती वासन्ती देव कटारमल देव ।  
सत्य या सोखन देव और सिन्धु देव ॥

विनय किलाड़ा देव रणकीन देव ।  
 दूसर नौ ह्य विक रणकीन देव ॥  
 नीलया निरज देव ब्रजबाहू देव ।  
 और हया वीक बांद कार्य सिद्ध देव ॥  
 पै हया गौरांग देव सानडिल्यदेव ।  
 हसीनरा देवहया तिलकराज देव ॥  
 उदगशीला देव हया व पितमदेव ।  
 धामदेव ब्रह्मदेव व बीरम देव ॥  
 इन् में आखिरी राजा त्रियलोक पाल ।  
 अभयराज असकोट गया ततकाल ॥  
 त्रिलोकपाला का च्यला कहलाया मल ।  
 उयो बंश मजि हया एक नाग मल ॥  
 नाग मला हया तब और द्वी च्यला ।  
 अरजुन शाही और समशेर मल ॥  
 आव देखि लियो आजि आधीलाकाहाल ।  
 साइ और मल हैवै पैलि पालै पाल ॥  
 निरभय पाल और भारतीय पाल ।  
 भूपाल नैरव पाल रतन शंखपाल ॥  
 श्यामपाल शाहपाल और साईपाल ।  
 सुरजन भोजपाल और भतरपाल ॥  
 सुरजन अच्छपाल तीरलोकपाल ।  
 सुरज जगतपाल और प्रजापाल ॥  
 रायपाल महेन्द्र और जयनपाल ।  
 विरबल पाल और अमरसिंह पाल ॥

अभयपाल अच्छण लै या उछवपाल ।  
 विजय व रुद्रपाल महेन्द्र पाल ॥  
 महेन्दरा बाद हया बहादुर पाल ।  
 वीका भाई तेजपाल हया वीई काल ॥  
 वीका बाद हया एक पुस्कर पाल ।  
 कुंवर गोविन्द सिंह और गजेपाल ॥  
 एक हया वीक बाद भूषेन्द्र पाल ।  
 विश्वरम बहादुर हया वीई काल ॥  
  
 रुद्री दत्त पन्त का लिखा इतिहास  
 रुद्रदत पन्त ज्यू का हता का लेखिया ।  
 यतु नाम और छैं यो इनुकैं देखिया ॥  
 धाम देव ब्रह्मदेव आसन अभया ।  
 निर्भय भरती पाल भैरौ पाल हया ॥  
 राजपाल श्यामपाल और शाहीपाल ।  
 सूर्यपाल भोजपाल महेन्द्र पाल ॥  
 शिव रत्न बलि हया या सूरत पाल ।  
 अच्छपाल तीरलोक पाल सुन्दरपाल ॥  
 जगती फिरोज पाल और राईपाल ।  
 महेन्द्र जयन्ती पाल बीखबल पाल ॥  
 अमर अभय पाल व अच्छप पाल ।  
 विजय महेन्द्र पाल हिकमत पाल ॥  
दलजीत पाल और बहादुर पाल ।  
 आधील देखिया आजि कत्यूरौका हाल ॥

कत्यूरौक का बंश मजि यस हया रजा ।  
 सम्राट और हया भौत इनू मजा ॥  
 चक्रवर्ती सम्राट आधील यों हया ।  
 कुमाऊ में जो आपणि धाक जमै गया ॥  
 बास्त्रदेव कनक लै व बसन्त देव ।  
 खरप कल्याण देव व जीमुन देव ॥  
 निर्मल या ननूराट इस्तारण देव ।  
 ललित भुदेव देव सलौणि व देव ॥  
 इच्छट दैशट देव पदमट देव ।  
 सुनिराज देव और देवपाल देव ॥  
 यतुक यो चक्रवर्ती समराट हया ।  
 गिरि राज चक्र चूड़ामणि पद हया ॥  
 बाद में इनर राज छिन्न मिन्न हय ।  
 कुछ जो यो एति बटि गया डोटि हणि ।  
 उनरी पिणनाई लकि सुणौ चिन्तामणि ॥  
 शाली शक्ति वाहन लै हरि ब्रह्मादेव ।  
 श्री ब्रह्म ब्रज देव विक्र मण देव ॥  
 धर्मपाल नीलपाल पूरजा रज देव ।  
 भोजराज अमर लै व अमाल देव ॥  
 सारंग नकुल देव जयसिंह देव ।  
 अनिजाल विद्यराज पृथीश्वर देव ॥  
 फनपाल देव हया आसन्ती बासन्ती ।  
 कटार व सिंह मल कणि मल भन्ती ॥

निर्मल व नील राज ब्रज वाह देव ।  
 गौराब व सीयामल इन्तराज देव ॥  
 नील व फटक शीला पीरथिवी देव ।  
 धाम देव ब्रह्म देव त्रीयसीक देव ॥  
 निरंजन नागमल अरजुन साई ।  
 भूपति व हरिसाई राम प्रवर साई ॥  
 रुद्र व विक्रम साई मानधाता साई ।  
 रघुनाथ हरसाई और कृष्णसाई ॥  
 दीपसाई विष्णु साई परदीप साई ।  
 सबु है अखरी रजा हया हंससाई ॥  
 यतुक है कत्यूरों की डोटी बंशावली ।  
 बड़ा बड़ा रजा हया वीर और वलि ॥  
 आधीला सुणिया आब धरि बटि ध्यान ।  
 पाली पछौ कत्योरों का करनू बयान ॥  
 य उनरी बंशावली देखि बै लेखनू ।  
 कुमाऊँ कौ इतिहास लेखिया देखनू ॥  
 इतिहास बद्रीदत्त पाएडे ज्यू लेखनी ।  
 आधीला अनवेश कौ कौ लेखिया देखनी ॥  
 अठाकिशन कानिधम हून साँग फरिस्ता ।  
 अंग्रेजी अनवेशक बतानी यो रस्ता ॥  
  
 पाली पछाऊ के राजाओं की बंशावली  
 आसन्ती बासन्ती देव व गौरांग देव ।  
 गौरांग देव का बाद स्याममस देर ॥

फिर छै फेणव राई व केशव राई ।  
अजवगजव राई और नै कवे राई ॥

फिर छै सुजान देव और सारंग देव ।  
बिरम व वागदेव सूरदेव देव ॥

पितम व धाम देव द्विय राज हया ।  
उवखत गढ़वाल हणि नहै गया ॥

भाव व पालड़ देव और किलण देव ।  
पृथू जपू गुसायी छै और लड़ देव ॥

जपू गुसाई का भाई सारंग गुसायी ।  
उदेपुर पट लागौ हाट मजि पाई ॥

मौजूद छै मनुराल इनरा बंशज ।  
चौकोट में चचरोटी जसपुरा रज ॥

धर्मसिंह भवान सिंह उनरा बंशज ।  
सयण छै आजकल पैली वै छी रजा ॥

कहैड़ गौ टमाढौन इनरी जागीर ।  
कत्यूरों की सन्तान योंयीं छै आखीर ॥

योई हई कत्यूरौ की आखीरी पीड़ नाई ।  
ययी बंश मजि एक हया मालसाई ॥

चिन्तामणि आजि एकै आधिल लेखिया ।  
रसिक पाठक लोगों आधील देखिया ॥

॥ कुमाऊ के सम्राट प्रथम भाग समाप्त ॥

---

नोट:—कुमाऊ के सम्राट दूसरा मणि में पढ़िये राजा मालसाई का राज्यमिषेक और राजुला की बागेश्वर मेले की शैल :—

## शुभ सूचना

विषय वस्तुओं-

प्राप्ति को यह आनंदकर हरी लोगा कि दमारे गहरी दुर्गति के प्रति कुमाऊँ का भी प्रबलमय है। निम्न प्रकार से कामयादी देवा लिए उपरिचय हैं—

- खिरान, मुख्य, गहर, फेल, विजिटिक बाई और दाढ़ार बाल्छे तथा नियामत पर लापो जाते हैं।
- बिहारी तथा प्राप्ति को शाय में हर प्रदान करका अंगे विक बाई और बुद्ध, बाड़चर, पोटार इत्याहर सभी काम दाढ़ार बेहतर होता है।
- हर प्रकार की कुमाऊँ की भाषिक पुरुषक उपचार का भी प्रबल है। बासकाल तथा पूजा-पाठ की पुरुषिक भी अपने का प्रबल है।
- बर्नेहर तथा नए लंबे की डायारिया भी हम अपने व्यापारियों को भेज सकते हैं।
- कृष्णनगरी तथा खूनों में छही तथा विना लाई बड़ेशनदी को भेज सकते हैं।

उत्तर संघा कुमाऊँ की गालिय मुड़क के नाम से उत्तरी सम् ११७ से कुमाऊँ गढ़ का उत्तरान कुमाऊँ की मालिय मृदुल के मध्य की कुलान-२ भारतीय जो ने किया था। तब हें यह संघा मुचाल रूप से चल रही है।

## कुमाऊँ की साहित्य मुद्रक

हर प्रकार की पुस्तक विद्या इनप्राप्ति की लाई का नाम तथा चौरासी घटा, दाढ़ार सोताराम विलो-१५०००५

